



**Geschichte der geistlichen Stiftungen, der adlichen  
Familien, so wie der Städte und Burgen der Mark  
Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1862**

CCCXXXII. Johann Wolferam, Oficial des Bisthums Lubus, bekundet einen  
Rentenverkauf an den Kaland zu Frankfurt, am 16. April 1474.

---

---

**Nutzungsbedingungen**

[urn:nbn:de:hbz:466:1-55756](https://nbn-resolving.org/urn:nbn:de:hbz:466:1-55756)

verwandelt werde. Wurden aber der Tuchmacher Sone, die in dem Gewerke alhie geboren seyn, vmb das Gewerck werbn, das mogen sie thun, wen in das gelustet, vnd die Tuchmecher sollen sie ane Vortzug, so sie ane redlichn Wandel gemerket werdn, vf nemen. Wer denne also eyn Tuchmacher worden ist, der sal Tuch machen, die erenwerd seyn, nemlich XXVIII Ellen im Tuch vnd nicht weniger, damit eyner den andrn mit Redlikait wol geweren mag, nemlich von guter Herbst vnd Winter Wolle vnd Lamp Wulle, sunder Kalbwulle vnd allerley vntuchtige bose Wolle sal er nicht arbeiten bey eynem halben Steyn Wachs, das in Gots Ere zu der Tuchmacher Altar sal Gewand werdn; auch sal er darvmb in vnser Beteidinge stehen, das Irkenntnis aber vber Tuch vnd Wulle ab sie tuchtig seyn ader nicht, sal stehen zu des Gewerkes geschworen Meister, mit seynen geschwornen tzweien Kumpan, die das irkennen bei iren geschwornen Eiden. Zu solchem Vertracht als oben beruret ist, haben wir in vnser Gunst vnd Fulbort zugegebn, gunen vnd fulbortn in dieselben Stucken in Krafft diser Schrift vnshedlich des Kaufmans vnd Gewandschneider Gerechtkait bas vf vnser Wandelung vnd Widerruffn, so das wir dise Stucke alle vnd igliche gantz ader eyn teile mogen wandelen, widerruffen ader gantz abethun nach vnser Rats Irkenntnis. Des zu Vr kund haben wir dem gnantem Gewerke dise vnuerfigelte Schrift gegeben vnd vmb Nachrichtung willen die auch in vnser Register vortzeihn lasen. Geschehen am Freitag nach Purificationis Marie anno millesimo quadringentesimo septuagesimo quarto.

Aus Leyniers Copialbuche des Stadtarchives fol. 22. 23.

CCCXXXII. Johann Wolferam, Official des Bisthums Lubus, bekundet einen Rentenverkauf an den Kaland zu Frankfurt, am 16. April 1474.

Johannes Wulueram, Official zu ffranckfurt, lubuschs gestichts, Bekennen vnde thun kunt vffentlichen in dissem briue allen, die en sehn, horen ader lesen, das vor vns sitzende in gericht personlich komen ist Thewes Worpel in lybenken vnde hat bekant vor sich, seyn Erben, erbnehmer vnde Nakomen, das er sich in namen eyns rechten wederkouffs Na wederkouffs weise recht vnde gewonheit vorkoufft hat vnde in Crafft disses briues vorkoyfft den Erwerdigen heren des kalandes der gantzen bruder schafft hir zu ffranckfurt Alle eyn Schogk groschen landes werunge Jerlicher zinzze vnd renthe vor X Schock groschen brandenburgscher Muntze. Darvmb der obengenante Thewes Worpel dy ergenanten kalandesheren quit, ledig vnde losz gesagt hat in Crafft disses briues vff allen seinen guten, die er zu lybenken in dorffe ader vffz deme dorffe vmb lang legen hat oder noch mochte haben. Sulch Schogk groschen Merkscher muntze zinz hat sich der gnante Thewes Worpel vorwillet vor allen andern zinzzen, dy uff sinen gnanten sin mochten alle Jar jerlichen uff Ofteren vnuorzoglichen an alle behelf geistlichs ader werltlichs gerichts an geuehre vnde an widderrede bey deme banne zu bezalen vnde geben mit deme schaden, als briuegelt, botenlon, ader kost, muhe vnde zerunge, dy die obengenanten kalantsheren darvmb thun muften, Reden vnde geloben des kouffs eyn rechte gewere zu sein vnde der offtgemelte Thewes Worpel vor sich, sine erben, erbnehmern vnde Nakommen

hat vorzogen vnd mit rechter wissentſchafft aller acordien, priuileigien vnde vſſatzungen des Marggrauen zu brandenburg Rete, Stede vnde Mann, dodurch diſſer briff kouff vnde bozalunge der genanten zinſzen mochten verhindert ader gebrochen werden: vnde dy vfflagunge der zinſze ſal haben der obengemelte Thewes Worpel vnde ſal geſcheen eyn gantz virteil Jar vor deme Czinzſtage vnde den den houbtſtull mit den verſeſſen zinſzen jn eyner Summen den ergenanten kalantheren oder jren obirten vff den Czinzſtag wol zu dancke jn guten trawen vnde glouben bezalen. Hirbey ſint gewelt Andreas gubernator vnd Criſtoferus fforſt, Clerici des Myſſnizen vnde Lubuſzen geſtichtes, als zughe. Des zu warem bekenthniß haben wir gnante Official vnſeres Ammechtes Ingeſigel vnden an diſſen uffen briff hengen laſſen, der geben iſt Na chriſti geburt virzenhundert vnde darnach jm vir vnde ſybenzigſten Jare, am Sonabent nach Oſtern.

Nach dem Orig. des Stadtarchives VIII, 3, 40.

CCCXXXIII. Der Official des Biſchofes von Lubus bekundet einen Rentenverkauf an den Kaland zu Frankfurt, am 1. September 1474.

Johannes Wulueram, Official zu ffranckfurt, lubuſz geſtichtes, Bekennen vnde thun kunt vffentlich jn diſſem briue allen, die en ſehn, horen ader leſen, das vor vns ſitzende jn gerichte perſonlich komen iſt Hans Zwickow, ſneyder, mitburger zu ffranckfurt, vnde hat bekant vor ſich, Margarethen, ſeine eliche hauſzfrauen, ſin erben, erbnehmer vnde nakomen, das er jm namen eyns rechten wederkouffs verkoufft hat vnde jn Crafft diſſes briues vorkoyfft den hern des kalands hir zu ffranckfurt Alſe eyn halb ſchog groſchen Merckilzer muntze jerlicher zinſze vor ffünff Schog groſchen derſelbigen werunge. Darvmb der genante hans zwickow dy ergenanten kalands heren quit, ledig vnde loß geſagt hat jn crafft diſſes briues vff ſinem hauſze, hir zu ffranckfurt gelegen am Ecke an der Cleynſmet ſtraſſen bey Peter kucher keyn den ffleyß ſcheren. Sulch halb ſchog groſchen Czinz hat ſich der obengenante Hans Zwickow vorwillet vor allen anderen zinſzen, die uff dem gemelten hauſze ſin mochten, alle Jar jerlich uff vnſer lyben ffrawen tag (ſie!) Goritz vnuorzoglich an alle behelff geſtlichs oder werltlichs gerichtes an geuehre vnde widderrede bey deme banne bezalen vnde geben mit dem ſchaden, Alſe briuegelt, botenlon ader koſt, muhe vnde zerunge, dy die kalandsheren darvmb thun müſten, Reden vnde globen des kouffs eyn rechte gewehr zu ſin. Ouch der vffgemelte Hans Zwickow vor ſich, ſin hauſzfrau, ſin erben, erbnehmen vnde nakomen hat ſich vorzogen vnde mit rechter withſchaff abgeſagt alle Concordien, vſſatzungen vnde eyntrechte meyns gnedigen heren, des Marggrauen Reten, Stete vnde Mann, dodurch ſulch zinſz, briff, koff vnde bezalunge gehindert vnde gebrochen mochten werden. Werſz ſach, das der genante hans zwickow den zinſz lenger nicht geben wulde, So ſal er den vfflagen eyn virteyl Jar vor deme zinſztage vnd den den houbtſtull mit den vorſeſſen zinſzen jn eyner ſummen den kalants heren vff den zinſztag wol zu danke jn guten trawen vnde glouben geben vnde bezalen. Hirbey ſint gewelt her Nicolaus Wyman baccalaureus, vnde Meyſter Nicolas moler, als zugen, Darzu geruffen vnde gebeten. Zu